



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Margarita Evangelica

Essche, Nicolas van

Coloniae, 1545

oratio pro venia & pro imitatione Christi. 36

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

LIBER II.

passionem tuam ignoscere cunctis iniquitatibus  
meis, & quicquid pro eis hic in tempore, & post  
modum in æternitate sustinere teneor, benignus  
indulgere.

Alia oratio deuotissima pro impetranda ve-  
nia, & sui ipsius abnegatione. Ca. XXXVI.

**O** Amabilissime domine Deus meus, ecce  
ego sum reus ille peccator, qui cuncta ti-  
bi vulnera tua inflixisti. Et quia cum iniqui-  
tatibus meis hic coram te assisto, miserere obse-  
cro mei, & omnia vulnera tua denuo fac aperiri  
coram cœlesti patre tuo, quatenus meam vale-  
ant pauperem, deformem ac peccatricem animam  
irrigare, nec ea obturari sinas, quoad usque mea &  
omnium hominum peccata atque defectus diluas,  
& omnes in purgatorio animas consolere & il-  
lustres. Ne quaeso auertas faciem tuam a me  
domine Deus meus, sed conuerte ad me abyssum  
miseri cordiam tuam, meque respicere di-  
gneris oculis illius immensæ misericordiæ tuæ,  
quibus beatam Mariam Magdalenam in con-  
uiuio, Petrum te negantem in atrio, & latronem  
in crucis patibulo respexisti, & dona mihi ve-  
ram peccatorum meorum cognitionem contri-  
tionemque, & recipe me in paradysum gratiæ  
tuæ, lauans me sacrosancto & calido sangui-  
ne tuo, & viuificans me sanctissima morte  
tua: dimittasque mihi oro & extrahas ex me,  
quicquid est falsitatis in fundo meo. Tu ipse  
nanque dixisti: Cum exaltatus fuero a terra,  
omnia traham ad meipsum. Obsecro er-  
go te domine Deus meus, redemptor animæ  
meæ,



MARGARITAE EVANG.

mea, trahe me ad teipsum, & munda me ab omnibus occultis meis. O splendidum lumen, illumina tenebras anime mee. O ignis consumens, omnia in me peccata atque defectus consume. Veni & visita infirmam animam meam, munda conscientiam meam, & fac in ea habitationem tuam. ¶ Per sanctissimam natiuitatem tuam munda me & exorna animam meam, quatenus tu in ea valeas nasci, ad quod me condidisti. Per sanctissimam conuersationem tuam fac me mansuetum & humilem corde, quatenus tua ex me vita & opera reluceant. Per sacrosanctam doctrinam & predicationem tuam fac me veracem, & illumina & doce me. O veritas aeterna, ab omni errore, infidelitate & haeresi tuere me. ¶ Per amarissimam passionem tuam fac me vere patientem, & paratum sustinere vicissim pro amore tuo, quicquid me pati volueris, et da mihi gaudere in omni tribulatione mea. Per miserabilem captiuitatem tuam absolue me ab omnibus peccatis meis, & constringe atque confirma me in te, vinculis aeternae charitatis tuae. Per crudelissimam tui tractationem, verbera & impulsiones Iudaeorum, ab omnibus insidijs & laqueis demonum protege me. Per opprobria, confusiones & deformitatem tuam, deformem animam meam factam ad imaginem tuam reformare digneris. Per occultas passiones tuas, munda me ab omnibus occultis meis. Per velationem deificae faciei tuae reuela interiores oculos meos ad cognoscendum veraciter abyssalem malitiam meam, & respice me oculis immensa misericordiae tuae. ¶ Per miserabilem tui de vno iudice ad alium deductionem, animam meam ab omni via erroris







MARGARITAE EVANG.

vento, denuda animam meam ab omni creatura  
rum amore & affectu, & fac me in illo duraxat  
lapide quiescere, qui tu ipse es domine Deus  
meus. **O** amabilissime domine Iesu Christe,  
per crudelissimam tui distensionem & ad crucem  
conclauationem, me fortiter ad te conclauare di  
gneris vera fide, spe & charitate. Per cruenti cor  
poris tui cum cruce eleuationem, & poenalem  
in excauatam petram demissionem, mollifica du  
ritiam cordis mei, & imprime in illud deformem  
imaginem tuam. O botre expresse, stringe ani  
mam meam nudis ac cruentis brachijs tuis, &  
fac vt te iugiter velut mirrhæ fasciculum inter  
vbera mea circumferam. O transuulnerate mi  
les, quomodo obsecro sic mei causa transfigi ex  
amore, & sic turpiter deformari voluisti? Quid  
retribuam tibi domine, pro omnibus quæ retri  
buisisti mihi? En totum spiritum meum offero ti  
bi ad quietem tuam, & animam meam ad amo  
rem tuum, & corpus meum ad exterius seruitium  
tuum. O nobilis pellicane, qui pullos tuos nu  
tris de sanguine cordis tui, refice quæso esurien  
tem animam meam, nihil nisi cibum carnis tue  
& potum sanguinis tui sumere valentem. O fons  
melliflue cœlestium deliciarum, perflue cuncta  
interiora mea, sicque me inebria, vt mihi ipsi &  
creaturis omnibus mori, tibi vero soli viuere cõ  
pellar. O supersplendens speculum gloriose Tri  
nitatis, in quod omnes tam sancti, quàm angeli pro  
spicere desiderant, quomodo tam miserabiliter  
propter me contemptus es, factum opprobrium  
hominum & abiectio plebis? Fac me quæso par  
ticipem huius tam caræ emptionis tuæ, qua me  
redemisti, & omne debitum meum pro me tibi  
ipfi



LIBER II.

ipsi exolve, & talem me fac, qualem me in æternitate optas habere. ¶ Per illam bonitatem tuam, qua patrem tuum pro inimicis tuis exorare voluisti, dimitte mihi, quicquid aduersus te peccando deliqui, & fac vt & ego ex animo ignoscam omni debenti mihi. Per illam misericordiam tuam immensam, qua latroni sero pœnitenti paradisum promisisti, animam meam in gratiæ tuæ paradisum recipe. Per maximam illam tui erga matrem compassiõem, qua illam sancto Ioanni commendabas, commendo tibi spiritum meum, animam & corpus meum, amicos & cognatos meos, bona quæque & honorem meum. O amantissime pater, per illam desolatissimam tui derelictionem, qua a patre fuisti derelictus, ignosce mihi, quod te toties reliqui, nec finas me vnquam abs te fieri alienum. Per vehementissimam sitim tuam, & gustum aceti felle permixti, da mihi gustare diuinã dulcedinem tuam, cunctaq; terrena verte mihi in amaritudinem, & fac me iugiter te sitire. O fons vitæ, per clamorem illum, quo dicebas: Consummatum est, adiuua me, vt acceptissima voluntas & beneplacitum tuum pro tua delectatione ac desiderio in me perficiatur. O pater in manus tuas commendo spiritum meum, rogans & obsecrans te Deus meus, vita animæ meæ, trahe spiritum meum extra me in te, & fac eum conformem gaudio so spiri-  
tui tuo, quatenus in eo tu solus immobiliter quiescas: & abstrahe animam meam ab omnibus rerum inferiorũ affectionibus, & conforma eam sanctissime animæ tuæ, quatenus a te solo moueri, possideri ac regi valeat, corpusq; meũ ex oibus

S ij abstra-



## MARGARITAE EVANG.

abstrahere defectibus, & ipsum cum omnibus vir-  
tutibus, sensibus ac membris suis conforma sanctis-  
simo, mundissimo saucioque corpori tuo, vt  
tibi totaliter applicari possit, tuque solus in eo  
viuas, & per ipsum mouere ac operari possis, si-  
cut per sanctissimam humanitatem tuam gradi-  
echaris, loquebaris & operaberis: vt sic & in ip-  
so & per ipsum quodcunque tibi placet, opera-  
ri valeas: vtque ego sic extra meipsum in te exi-  
te possim, vt nunquam intro reuertar: sicq; intra  
te aberrem & per meipsum, vt nunquam vale-  
am denuo exire.

Qualiter Deus cum omni gratia sua in ani-  
mam venit. Cap. XXXVII.

**C**VM ergo sic meipsum & omnem meam  
paupertatem desero & exeo, tunc tu o  
mansuetissime, totus vicissim cum omnibus  
diuitijs tuis intras in me in desertam habitatio-  
nem animæ meæ, & muros collapsos restauras,  
vias dissipatas reparas, ostia atque fenestras con-  
cludis, statuens circa ea custodes ac vigiles, fun-  
dum animæ purificas, & in spiritu meo tuum sa-  
cis cubiculum, quod diuersis virtutum floribus  
exornas, fide videlicet, spe & charitate, & octo  
beatitudinibus: cingisque illud suprema ange-  
lorum hierarchia, Seraphin videlicet, Cherubin  
atque Thronis: qui memoriam in puris cogita-  
tionibus, intellectum in clara cognitione, & vo-  
luntatem in ardenti dilectione conseruant, qua-  
tenus tu supremus sponsus in mentis lectulo im-  
mobiliter quiescas: qui nimirum lectulus mul-  
tum eleganter floribus chorusci luminis splen-  
denti-